



KUNEE NUU NIKANDII

EL ECLIPSE SOLAR

¿A ka na'a ni ja ja ni kuu kuia 1970 ni jasi yoo nuu nikandii? Te saa ni kokuu kuia vitna, chi kiu 11 julio jinkondee kunee, keja'a guaa ndee inka lado ndute mar te kenta kati yoo La Paz, Baja California Sur. Kunee ka uxi in jin uu xiko uxi minuto, te vi ñuu ñuu ya'a kati, te kenta México ka in ja ñini jin oko uu minuto. Te vi ñuu ñuu ya'a tuku, te kenta Ñuu Ndua ka in jin oko uxi minuto, te vi saa ñuu ñuu ya'a ki'in.





¿Te nau ja jasi yoo nuu nikandii?

Kasi yoo nuu nikandii chi jionduu jionduu yoo ñuyuu ya'a, te saa ni ñuyuu chi jionduu nikandii. Te nuu ndenta yoo ja jionduu ña jin ñuyuu, te ya'a mahñu sagua ñuyuu ka oo yon. Te yun guaa kasi nda'a nikandii nagua sa'a viko ja jasi nuu nikandii. Saa kokuu. Su yoo chi ka'nu ka saa viko, te ndesi gua'a ka nuu nikandii. Su ma vi koka'an ni ja jaxintna'a yoo jin nikandii nagua ni ka oo ka'an ñayuu ndee ama ka.

Luu ndeva'a kokuu ja kondia'o chi joo ni jichi ya'a. Su ma kuu kondia'a ndao chi nuu tuu, te kuu kuao. Chi visi kunee, su koo ndakui ndeva'a ka nda'a nikandii, te yun guaa sa'a kue'e nduchi nuu. Su nuu ja ka ka'an ni vi kondia'a ni, te vi kani ni in bote ndute a xi nani guaa kuu, su nuu ndute yun, guaa kuu vi kondia'a ni.